

1. "Court Worker" izhinikázowag igiweniwag gáganótamágewad dibákoni gewigamigong anishináben gáwiji'awád. Wáwíndamágewag áníñ mayá enákonimind awiyan gámamázhníid, gaye ewáwíndamawáwád dibákoni geojimán gaye ini dibákoni gewininiwan áníñ mayá ezhisenid ini gádibákoni mind.
2. Amí enwázowád igi egánótamowáwád iniweniwan gádakoni mind chinisidotaminid áníñ mayá enákonimind áníñ gaye mayá ezhiseg dibákoni gewin. Gaye gagwewáwíndamágewag álin ge'izhichikeyamban chi'izhiminoseyin chiizhinádamázoyamban máwach.
3. Awenen igo odáwiji'igon ini gá'ihanolkínid gánótamáewininiwan. Memindage igo anishináben ogagwewiji'awán.
4. Apí bigo gídákonigóyin mágízhá gaye gi'andomigóyin chibidibákoni góyin gidáganóná awe gáganótamáged.
5. Iwe gágízhigag apí izhiseg chidibákoni góyin amí gedódang awe ganótamágewinini chi'anglindang gakina ini wínzowínan gáwidibákoni mind awiyag. Igwiwiwa anishinábe gáwidibákoni mind amí iniweniwa géganónád chigagwejimád kíshpin chi'andawendamowád chiwiji'indwá. Pizánigo gaye gín gigananándonewa.
6. Amí enanokíwád ganótamagewininiwig e'izhawád dibákoni gewigamigong e'andowáwiji'awád gádibákoni mind anishináben. Gidá'anishinábemino tág kíshpin michi'anishinábemoyin chiwáwindámawig áníñ

- enákonigeng gaye chiwíndamowád dibákoni ge'ogimán áníñ ezhiseyin. Gigawáwíndamág weweni ánínenenimigóyin gá'izhimamázhíyin wegonen wenjidibákoni góyin. Gigawáwíndamág gaye áníñ ge'izhichikeyamban ge'onjiminoseyamban chishábwíyamban. Gidáwíndamág Gigawíndamág gaye áníndi mayá eyámagag dibákoni gewigamig gedazhídibákónigóyin'awen gaye dinókán nádamágedibákoni gewinini gemáminomikban.
7. Kíshpin gímamázhí inendaman pizánigo gidáwiji'ig ganótamagewinini chiwáwíndamawíkiban áníñ ge'izhichikeyamban chiwíndamawig gaye awenéni dibákoni gewinini gewiji'ikiban ge'onjidi báligádegiban gaye iwe gidibákoni gowin, gidáwíndamág gaye áníñ mayá ezhiseyin áníñ gaye gedódamán, gidáwiji'ig gaye kíshpin wímoshkinébi'aman mazina'íginón gwayag gaye chi'izhiinsha'lgádegin.
8. Amí ge'izhiwáwíndamág ganótamagewinini epíchigichi'inendágwag gin igo chi'izháyin chiawidibákoni góyin. Káwín wín bekánizid giddá'ishinízhawási chi'awi gíglódítamawig/ Kíshpin eta ayásiwad dibákoni gewinini chinádamawig kíshpin dash gaye wenjidó bigo gashkitósiwan chi'izháyin amí eta ge'izhi'izhápan awe ganótamágewinini chi'awiganótamawig. Wín idash odáwíndamawá wegonen wejigashkitósiwan imá chibákoni góyin.
9. Amí gaye enanokíd awe ganótamágewinini ewáwiji'ad bekánizind imá gá'ayánid dibákoni gewigamigong – awe dibákoni ge'ogimá gaye gádibákoni ged chiwáwíndamawád áníñ ezhiseyin.
10. Kíshpin gáwín ngímamázhí inendaman gashkitósiwan dash chiganódamázoyin ozám segiziin, pizánigo gigawiji'ig awe ganótamágewinini chiwáwíndamawád gádibákoni genid áníñ enendamowád áníñ gaye gá'izhiseyin gá'onjimamázhíyin.
11. Kíshpin nisidotanziwan iwe mazina'íginón gamíngóyin bizánigo ganótamágewinini gigawáwíndamág áníñ ekidómagakin.
12. Kíshpin gaye nisidotanziwan inágonigewin gigawáwíndamawig awe ganótamágewinini áníñ enákonigeng – abinónjíg onji, gaye ódábánensag, míkanawan, gaye andawenjigewin kwáshkwebijigewin, ódenáng gakina bigo inákonigewin gágikendaziwan bizánigo dábízhá gidiškoniganiwáng awe ganótamágewinini chibiwáwíndamágepan inákonigewin. Ódábíná gaye godaq awiya gewáwíndamágenid inákonigewini.
13. Amí dash endananokíwád godaq ganótamágewininiwig, bezhig imáBrandon bezhig mina imá Dauphin Saging Grand Rapids Portage La Prairie The Pas gaye imá Thompson gá'ijigádeg gíwedino'ódena.